

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14) i Pravilnika o postupku direktnog sporazuma („Sl. glasnik BiH“, broj 90/14) i na osnovu Odluke o izboru ponuđača broj: 05.12.101-2137-Odluka o izboru ponuđača/19 od 22.03.2019.godine, zaključuju slijedeće:

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Prof.dr.med.sci. Aida Pilav, direktorica (u daljem tekstu: Ugovorni organ)

i

„FixIT” d.o.o. SARAJEVO, ul. Zaima Šarca br.34, identifikacioni broj: 4202048930006, koga zastupa direktor: Damjan Bandić (u daljem tekstu: Izvršilac), zaključili su:

UGOVOR ZA SUKCESIVNU NABAVKU USLUGE ODRŽAVANJE RAČUNARA I IT INFRASTRUKTURE

Član 1.

Ovim Ugovorom se utvrđuje način i uslovi pod kojima „FixIT” d.o.o. Sarajevo, sukcesivno vrši održavanje i rješavanje problema na računarima, printerima, skenerima i mrežnoj opremi, i ostale usluge po narudžbi i potrebi, za potrebe Ugovornog organa, sve prema Ponudi Izvršioca broj: 230319/MC001-T.

Član 2.

Predmet ovog Ugovora je sukcesivno održavanje i rješavanje problema na računarima, printerima, skenerima i mrežnoj opremi, i ostale usluge po narudžbi i potrebi - za potrebe Ugovornog organa (u daljem tekstu: usluge) u periodu od jedne godine, u vrijednosti do 4.000,00 KM bez PDV-a, a prema cijenama koje je Izvršilac usluga ponudio u Obrascu za cijenu ponude (Anex III) koji je sastavni dio ovog Ugovora.

Izvršilac se obavezuje da cijene navedene u ponudi neće mijenjati u period od jedne godine od dana zaključivanja ovog Ugovora.

Član 3.

Plaćanje usluga se vrši po fakturi Izvršioca, nakon što je usluga izvršena. Rok za plaćanje je 30 dana od dana dobijanja fakture. Plaćanje će se vršiti na transakcijski računa naveden u fakturi.

Član 4.

Obaveze izvršioca su:

- Pružiti brzu, stručnu i profesionalnu uslugu
- Kvalitetan rad i primjena najboljih raspoloživih znanja i vještina
- da će se odazvati na poziv za intervenciju u roku od dva (2) sata.
- da će usluge vršiti savjesno i u skladu sa dogovorom sa Ugovornim organom. Izvršilac će svojim profesionalnim pristupom i savjesnošću učiniti sve što je u njegovoj moći da održi ugovorene rokove. Izvršilac će pismenim putem izvijestiti Ugovorni organ ukoliko dođe do

neizbježnih pomicanja rokova i Ugovorni organ će pristati na takva blaga odstupanja u razumnom roku. Za vrijeme tog razumnog roka izvršioca neće teretiti nikakva odgovornost za pomicanje rokova.

- da će održavanje računara i IT infrastrukture vršiti na lokaciji koji odredi Ugovorni organ a u slučaju potreba da se poravka vrši na drugoj lokaciji Izvršilac je obavezan izvršiti sve radnje na pripremi, transportu, vraćanju i puštanju u rad računarske opreme nakon popravke.
- da će o izvršenim popravkama dostaviti ovjeren izvještaj o izvršenim uslugama.

Član 5.

Ugovorni organ se obavezuje da će obezbjediti nesmetan pristup lokaciji u svrhu dijagnostike i popravke.

Ugovorne strane su se sporazumjele da će imenovati osobe zadužene za realizaciju ovog Ugovora.

Član 6.

Ugovorne strane mogu otkazati ovaj Ugovor pismenim putem.

Ugovor se smatra otkazanim u roku od 15 dana od dana prijema pismenog Obavještenja o otkazu Ugovora.

Član 7.

Svaka promjena ugovornih odredbi povlači za sobom sačinjavanje posebnog Anexa ugovora. Do potpisivanja Anexa Ugovora obustavlja se izvršenje ugovornih obaveza.

Član 8.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.

Član 9.

Ovaj Ugovor se smatra zaključenim danom potpisivanja Ugovornih strana, a primjenjuje se u periodu od najduže jedne godine od dana zaključenja Ugovora odnosno do perioda do kojeg se potroši vrijednost iz člana 2. ovog Ugovora

Član 10.

Ugovor je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

„,FixIT” d.o.o. SARAJEVO.
SARAJEVO
DIREKTOR



(Damjan Bandić)

Broj: 366/19
Sarajevo,



J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA


(Prof.dr.med.sci. Aida Pilav)

Broj: 05.14.101 – 2137-Ugovor/19
Sarajevo, 02.04.2019. godine